

欽定大清會典事例

卷

二百五十三至  
二百五十五

欽定大清會典事例卷二百五十三

戶部

俸餉 文武外官俸銀三

同治元年議准河南豫河營裁撤蘭儀儀睢。睢甯商虞四汛都司一員。協備三員。千總二員。把總一員。懷河營裁撤曹考協備一員。每年減銷俸薪養廉等項銀兩。於防河俸餉冊內分析造報。○二年覆准揀發各省武職人員到營後保舉升職於文到日起照升銜支食一半俸薪。○又移福建省浦城縣丞駐該縣之富嶺街名為

富嶺縣丞。每年應支俸廉。即照浦城縣丞定額支食。○又議准。順天府所屬四路同知捕盜營。每路原設把總一員。經制額外外委各二員。馬步兵五十名。每路續經添設兵一百名。經制額外外委各一員。四路共備馬三百二十匹。統計歲需俸銀七百二十兩。餉米銀一萬七千二百二十二兩四錢二分。馬乾銀四千四百三十五兩二錢。公費銀約一百二十兩。改由順屬東南兩路起運地糧正銀內提解順天府。劄交兩道按季給發。其用過銀數。專案題報覈銷。○三年

覆准裁撤河員停給俸廉銀兩。以交卸之日為止。將截止月日。於各奏銷冊內造報。○四年覆准各省將軍告病。奉

旨賞假來京調理。假期未滿。又奉

命管理京營事務者。所有本任俸廉銀兩。一律全支。

○又議准安徽省添設安廬道員缺。歲需俸銀一百五兩。在耗羨項下造報。○又奏准安徽省添設渦陽縣知縣員缺。歲需俸銀四十五兩。在地丁耗羨項下造報。典史俸廉查照中缺例定銀數給發。○五年覆准山西省薩拉齊理事通

判改為理事同知。每年俸薪銀八十兩。除通判  
俸薪銀六十兩外。增銀二十兩。在裁汰平陽府  
同知等缺。節省俸工銀內撥補。○又覆准安徽  
省鳳廬潁道。改為鳳潁道。原編俸工銀兩內。除  
撥歸新設安廬道外。計不敷俸銀六十兩。在鳳  
陽縣地丁正項銀內撥解。○又奏准八溝塔子  
溝。烏蘭哈達。三座塔等四處理事司員。支領單  
俸。其神木。甯夏。理事司員。張家口。殺虎口。喜峯  
口。古北口。獨石口。賽爾烏蘇管站司員。恰克圖。  
庫倫。管理買賣事務司員。庫倫管理印房事務

司員。西藏隨印司員等十二處。各差司員均支食全俸。○七年覆准。凡把總拔補千總。交卸舊任以後。未赴新任以前。委署別營有員之缺。應於到署任日起。即在該署營任內。照有員之缺。支署任千總得項。如係委署無員之缺。應於到署任日起。即在該署營任內。照無員之缺。支給署任千總得項。所有舊任俸薪廉乾。均以交卸日住支。其新拔千總得項。均俟接劄赴任之後。歸新拔千總營分造支。至所遺新拔千總之缺。委令候補人員接署。應照署理暫行離任之例。

於截曠項下照銜給半俸。照缺給半薪。半廉全馬乾。如係委令實任人員遞署兼署。其俸薪養廉等項。應照遞署兼署有缺分之例。概歸本任造支。○又奏准。

東陵各項官員應支江白粳三色米石及

隆福寺喇嘛應支粳米由

東陵守護大臣委員赴通州領兌運存永濟倉。按季支放。其運腳津貼銀兩。由坐糧廳茶果項下支發。○又覆准。直省試用官。委署升遷。事故員缺。仍支俸銀馬夫工食。暫署差缺。不支給俸銀。其馬

夫工食按照在任月日正署之員各半分支。○  
又奏准察哈爾所屬之獨石口地方安插移回  
伊犁官兵四十八員名。所需俸餉即照該處駐  
防。由直隸藩庫一律支給。其本折銀米亦照獨  
石口駐防一體由赤城縣撥放。○又奏准吉林  
省琿春地方添設佐領三員。防禦委佐領二員。  
驍騎校五員。領催十三名。披甲一百五十七名。  
歲需俸餉銀五千四十七兩。又裁撤副甲二百  
名。每年節省餉錢合銀三千二百八十兩。除抵  
補外尚不敷銀一千七百六十七兩。作正開銷。

造入該省官兵俸餉奏銷案內題報查覈。又  
奏准吉林水手營添設營務無品級筆帖式一  
員。委筆帖式一員。其委筆帖式即以該營領催  
正丁或五司貼書內揀補。不增俸餉。無品級筆  
帖式一缺。如由貢生出身升補者。給予七品食  
俸。由生員監生出身升補者。給予八品食俸。其  
由領催等項出身之委筆帖式升補者。仍食原  
餉。歲給俸米十五石二斗。造入公倉報銷案內。  
報部查覈。又議准安徽省宿州龍山營添設  
遊擊一員。守備二員。千總二員。把總四員。外委

六員。額外十一員。哨官一員。歲需俸薪心紅蔬  
炭馬步守餉坐戰馬乾米折等銀一萬三千一  
百四十八兩五錢四分七釐。在應徵地丁銀內  
按年彙案請撥。○又議准吉林省五常堡添設  
協領一員。歲支俸銀一百三十兩。佐領二員。各  
支俸銀一百零五兩。防禦二員。各歲支俸銀八  
十兩。驍騎校四員。各歲支俸銀六十兩。仍照吉  
林官俸章程支給。○九年覆准武職署理人地  
未宜撤任留營差遣之缺。照署理暫行離任之  
缺例。支食俸薪。○又覆准武職各官。因人地未

宜撤任。留營差遣。續經派委尋常差使者。照在營當差人員例。照銜給予一半俸薪。○又覆准廣東省廣海寨主簿。改為赤溪司獄。裁汰加銜俸銀一兩五錢九分四釐。○又覆准廣東省廣海寨遊擊。改為赤溪協副將。廣海寨守備。改為都司。除額支銀兩外。每年增添俸薪經費銀一百九十六兩八錢六釐。草價銀一十五兩一錢二分。在地丁耗羨款內動支。○十一年覆准武職題升。應行赴部人員。離營以後。未即赴部。另委署理別缺。或先赴新任。旋由署任及新任內

交卸赴部者。於交卸離營日起。至引  
見以前。全支原任俸薪馬乾。於建曠項下動支。○又  
覆准。提鎮先在軍務肅清省分督帶師船。續經  
旨簡放。並未進京。

陞見。亦未到省到任。仍舊管帶師船者。照出差人員  
例。仍支舊任全俸半廉。○又覆准。提鎮赴京

陞見。及副將以下。守備以上。豫保卓異。送部暫行離  
任者。其任內紙紅蔬菜等銀。自離任日住支。回  
任日起支。其俸薪馬乾銀兩。離任以後。回任以

前均准全支。題升赴部人員離任以後引

見以前並同此例。若引

見後奉

旨令赴新任。或指授他缺。及豫保卓異人員。有奉

旨即授他缺者。原支各項均自奉

旨日住支。俸滿保題保留送部干總引

見期內。俸薪馬乾均予全支。

此外尋常補缺引見人員均自離營之日

任支回任之日起支概不准援照此例辦理

凡各官回任日期有與

部給限照日期違越者。應即自滿限日起。至回

任前一日止。將俸薪馬乾計日扣除。告假省親

展限日期俸薪亦並扣除造報。○又奏准黑龍江所屬布特哈地方鄂倫春人等向設世職佐領四員公中佐領一員驍騎校四員照該省佐領驍騎校歲支俸銀數目給予減半之半俸銀向設委官五名照該處領催月支餉銀數目給予減半月餉。○又覆准武職在外升調不回本任之員交卸原任之後未到新任以前另奉委署別缺者應照原無得項之署任官辦理如所署係暫行離任之缺應於截曠項下照升調之銜給半俸照現署之缺給半薪如係升遷事故

之缺。俸薪照署缺全支。凡署任內紙紅蔬炭等銀均歸署任支銷。其題升應行赴部人員離營以後未即赴部另委署理別缺者以到署任之日起照候補試用人員委署員缺之例分別支給俸薪乾廉。○又議准順天府屬添設捕盜中營千總一員。歲需俸廉銀一百六十八兩。把總一員。歲需俸廉銀一百二十六兩。經制外委二員。共歲需俸廉銀九十一兩二錢。額外外委一員。歲需俸銀二十七兩六錢。馬步兵六十六名。歲需餉銀一千八百二十一兩六錢。例馬二十

五匹。共馬乾銀三百十五兩。公費銀三十兩。照案由順屬各州縣地糧項下提解給發。按年造冊報部覈銷。○又奏准福建省噶瑪蘭廳添設訓導一員。歲給俸銀四十兩。齋銀九兩三錢。並廩膳歲貢旗扁鄉飲酒禮等項。均照額編數目。在該廳徵收餘租項下動支。○又覆准甘肅省設立化平川廳。添設通判一員。歲給俸銀六十兩。公費銀一百六十兩。照磨一員。歲給俸銀三十一兩五錢二分。訓導一員。歲給俸銀四十兩。廩生一名。歲額餼糧銀三兩二錢。以上歲需各

項在該廳徵解地丁銀內動支。又添設化平營都司一員。歲給俸薪蔬燭紙紅等銀一百四十一兩三錢九分三釐。經制外委一員。額給公費銀五十七兩八分一釐。以上歲需各項撥歸陝省支發。仍分別入於甘省地丁兵馬奏銷案內造報。○又奏准凡欽奉

特恩賞給副都統銜差往軍營駐紮及派往各處辦事人員。仍照定例辦理外。其餘保舉

賞加職銜人員。無論何項。均一律支食本任俸祿。毋庸照銜支給。○十三年咨准甘肅省改設固原